

Ova odluka stupa na snagu danom usvajanja, a primjenjivat će se od 01. 01. 2001. godine i naknadno će biti objavljena u "Službenim novinama Kantona Sarajevo".

Broj 02-49-11/2001 Predsjedavajući Općinskog vijeća
26. decembra 2000. godine Stari grad Sarajevo
Sarajevo mr. **Ismet Ovčina**, s. r.

Na osnovu člana 129. Zakona o prostornom uređenju ("Službene novine Kantona Sarajevo", br. 13/99 i 19/99), člana 27. stav 3. Zakona o federalnoj upravi ("Službene novine Federacije BiH", broj 28/97) i člana 135. Zakona o kantonalnoj upravi ("Službene novine Kantona Sarajevo", br. 14/97 i 20/98) i člana 31. Statuta Općine Stari Grad ("Službene novine Kantona Sarajevo", br. 10/98 i 17/99), Općinsko vijeće Stari Grad, na sjednici održanoj 26. decembra 2000. godine, donijelo je

ODLUKU

O OBAVLJANJU TEHNIČKOG PREGLEDA UNUTRAŠNJIH GASNIH INSTALACIJA

Član 1.

Ovom odlukom prenose se na Istraživačko-razvojni centar za gasnu tehniku d.o.o. Sarajevo, poslovi obavljanja tehničkog pregleda unutrašnjih gasnih instalacija na području općine Stari Grad.

Član 2.

Izvršenje poslova tehničkog prijema u smislu ove odluke podrazumijeva:

- obavljanje svih potrebnih priprema za uspješnu realizaciju poslova tehničkog prijema unutrašnjih gasnih instalacija, na području Kantona Sarajevo;
- definisanje kriterijuma za ocjenu kvaliteta izvedenih radova i ugrađene opreme i materijala, a u skladu sa važećim propisima i standardima;
- preliminarni obilazak svih potrošača koji podnesu zahtjev radi uvida u instalaciju i dokumentaciju, te davanju uputa korisniku i izvođaču za otklanjanje eventualnih nedostataka;
- rješenje problema nedostajućih certifikata putem kontakata sa uvoznici, proizvođača, inostranim akreditovanim laboratorijama i certifikacionim tijelima, te korištenje vlastite laboratorije uz primjenu ispitnih metoda koje propisuju relevantni standardi;

- funkcionalno ispitivanje gasnih ložišnih instalacija u skladu sa važećim Pravilnikom i izdavanjem posebnog protokola koji će biti dostavljen korisniku i komisiji za tehnički prijem;
- pružanje konsultacija korisnicima i izvođačima u fazi otklanjanja nedostatka, sve do kompletiranja dokumentacije i dovođenja instalacija u ispravno stanje;
- pripreme procedure i jedinstvenih obrazaca za rad komisije;
- angažovanje članova komisije iz reda stručnjaka koje predloži nadležni Sekretarijat Općine ili iz reda vlastitih kadrova;
- servisiranje rada komisije u smislu obezbjeđenja pripreme jedinstvene metodologije i jedinstvenih kriterijuma, obezbjeđenje odgovarajućih obrazaca, pripreme spiskova objekata koji su po okončanju preliminarne faze spremni za tehnički prijem, odnosno legalno uključanje na gradsku distributivnu mrežu;
- kucanje materijala, te izdavanje zapisnika sa prijedlogom o izdavanju upotrebne dozvole;
- formiranje baze podataka za ugrađenu opremu u svrhu sprovođenja postupka ispitivanja saobraznosti sa važećim standardima i izrade registra odobrene opreme.

Član 3.

U cilju kvalitetnog obavljanja poslova Općina će Istraživačko-razvojni centar za gasnu tehniku, d.o.o. Sarajevo, dostaviti listu stručnjaka, koji mogu biti angažovani za rad u komisijama za tehnički pregled unutrašnjih gasnih instalacija.

Član 4.

U skladu sa Zakonom o prostornom uređenju, troškovi vršenja tehničkog pregleda padaju na teret investitora, naplaćuju se i obračunavaju prema cjenovniku koji svake godine donosi općinski načelnik.

Sastavni dio ove odluke je cjenovnik o vršenju tehničkog pregleda unutrašnjih gasnih instalacija.

Član 5.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-49-12/2001 Predsjedavajući Općinskog vijeća
26. decembra 2000. godine Stari grad Sarajevo
Sarajevo mr. **Ismet Ovčina**, s. r.

OPĆINA TRNOVO

Općinsko vijeće

Na osnovu člana 29. Zakona o lokalnoj samoupravi ("Službene novine Kantona Sarajevo", broj 22/00), člana 29. Statuta Općine Trnovo ("Službene novine Kantona Sarajevo", br. 23/97 i 17/98), člana 54. st. 1. i 2. i člana 56. stav 2. alineja 3. Zakona o prostornom uređenju ("Službene novine Kantona Sarajevo", br. 13/99 i 19/99), Općinsko vijeće Općine Trnovo, na 7. sjednici održanoj 16. januara 2001. godine, donijelo je

ODLUKU

O USVAJANJU URBANISTIČKOG PROJEKTA „BJELAŠNICA” - I FAZA

Član 1.

Usvaja se Urbanistički projekat "Bjelašnica" - I faza (u daljem tekstu: Projekat).

Član 2.

Projekat se sastoji od tekstualnog i grafičkog dijela.

Tekstualni dio sadrži obrazloženje arhitektonsko-urbanističkog rješenja.

Grafički dio sadrži:

- urbanizam prezentiran na odgovarajućem broju tematskih karata;
- idejni projekat saobraćaja;
- idejni projekat snabdijevanja vodom;
- idejni projekat odvodnje otpadnih i oborinskih voda;
- idejno rješenje elektroenergetske i javne rasvjete;
- idejno rješenje toplifikacije i gasifikacije;
- idejno rješenje TT kapaciteta.

Član 3.

Po jedan primjerak ovjerenog elaborata nalazi se na stalnom

javnom uvidu i čuva u službi dokumentacije Općine Trnovo i Zavodu za planiranje razvoja Kantona Sarajevo.

Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-23-150/01

Predsjedavajući

17. januara 2001. godine

Općinskog vijeća Trnovo

Dejčići

Ismet Imamović, s. r.

Na osnovu člana 45. Zakona o lokalnoj samoupravi ("Službene novine Kantona Sarajevo", broj 22/00 - prečišćeni tekst) i člana 58. Statuta Općine Trnovo ("Službene novine Kantona Sarajevo", br. 23/97 i 17/98), Općinsko vijeće Trnovo, na sjednici održanoj 16. januara 2001. godine, donosi

ODLUKU

O USTUPANJU NA KORIŠĆENJE OPĆINSKE ZGRADE NA BABIN-DOLU - BJELAŠNICA UREDU TURISTIČKE ZAJEDNICE TRNOVO

Član 1.

Ustupa se na korišćenje objekat Općine Trnovo Uredu Turističke zajednice u dijelu kojim raspolaže općina.

Član 2.

Objekat se ustupa na period 2 godine od dana usvajanja ove odluke, bez naknade.

Član 3.

Uslovi korišćenja prava, obaveze i druga pitanja regulisat će se posebnim Ugovorom koji će zaključiti općinski načelnik i direktor Ureda turističke zajednice.

Član 4.

Ova odluka stupa na snagu danom objavljivanja u "Službenim novinama Kantona Sarajevo".

Broj 01-23-148/01

Predsjedavajući

17. januara 2001. godine

Općinskog vijeća Trnovo

Dejčići

Ismet Imamović, s. r.

Na osnovu čl. 48. i 49. Zakona o građevinskom zemljištu ("Službene novine SRBiH", br. 34/86, 11/90 i 29/90 i "Službeni list RBiH", br. 3/93 i 13/94) i člana 29. Statuta Općine Trnovo ("Službene novine Kantona Sarajevo", br. 23/97 i 17/98), Općinsko vijeće Trnovo, na 7. sjednici održanoj 16. januara 2001. godine, donijelo je

ODLUKU

O USLOVIMA I NAČINU DODJELE LOKACIJA NA KORIŠĆENJE RADI GRAĐENJA NA PODRUČJU OPĆINE TRNOVO

Član 1.

Ovom odlukom utvrđuju se uslovi i način dodjeljivanja lokacija na korišćenje radi građenja na gradskom građevinskom zemljištu na kojem pravo raspolaganja ima Općina Trnovo.

Član 2.

Lokacije na korišćenje radi građenja mogu se dodjeljivati neposrednom pogodbom ili na osnovu konkursa.

Član 3.

Neposrednom pogodbom dodjeljivat će se lokacije na korišćenje radi građenja:

- vojnih i objekata Ministarstva unutrašnjih poslova;
- zdravstva, socijalne zaštite, obrazovanja, kulture i društvene brige o djeci, komunalnih djelatnosti i drugih objekata od posebnog interesa;
- za potrebe državnih organa i političkih stranaka;
- za potrebe stranih diplomatskih i konzularnih predstavništava, Ujedinjenih nacija i njihovih organa i organizacija ili službi;

- vjerskih i sakralnih objekata;
- organizacija koje se bave humanitarnim i neprofitnim poslovima;
- poslovnih objekata od posebnog i općeg interesa i interesa za općinu Trnovo;
- javnih preduzeća i ustanova;
- stanova koje gradi Fond Kantona Sarajevo za izgradnju stanova za članove porodica šehida, poginulih boraca, ratne vojne invalide, demobilizirane borce, raseljena lica i izbjeglice, civilne žrtve rata i povratnike;
- obezbjeđenje druge odgovarajuće nepokretnosti u zamjenu za eksproprisane nekretnine.

Član 4.

Lokacije za građenje koje nisu obuhvaćene članom 3. ove odluke dodjeljivat će se putem konkursa.

Konkurs mora sadržavati:

- podatke o građevinskim parcelama i vrsti objekata;
- podatke o zoni građevinskog zemljišta;
- iznos naknade za dodijeljeno građevinsko zemljište po m² i iznos naknade za uređenje građevinskog zemljišta po m² korisne površine;
- rokove za prijavu na konkurs;
- uslovi prvenstva na konkursu;
- način obavještanja o rezultatima konkursa;
- upozorenje da se neće razmatrati neblagovremene prijave i prijave koje ne sadrže podatke o uslovima prvenstva na konkursu.

Član 5.

Uslove za dodjelu lokacija za građenje bilo neposrednom pogodbom ili konkursom, cijenit će Komisija koju imenuje Općinsko vijeće Trnovo a na osnovu programa i ponuda zainteresovanih investitora.

Na prijedlog Komisije, rješenje o dodjeli zemljišta na korišćenje radi građenja donosi Općinsko vijeće.

Općinsko vijeće će imenovati Komisiju iz stava 1. ovog člana najkasnije u roku od 60 dana od dana donošenja ove odluke.

Član 6.

Plaćanje naknade za dodijeljeno građevinsko zemljište vršit će se u visini i roku koji će se odrediti rješenjem o dodjeli zemljišta.

Plaćanje naknade za uređenje građevinskog zemljišta vršit će se po dinamici i u roku određenim u ugovoru o naknadi za uređenje građevinskog zemljišta.

Općinsko vijeće Trnovo, može osloboditi investitora plaćanja naknade iz stava 1. ovog člana, a što će se u svakom konkretnom slučaju, odlučivati rješenjem o dodjeli zemljišta.

Član 7.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-23-147/01

Predsjedavajući

17. januara 2001. godine

Općinskog vijeća Trnovo

Dejčići

Ismet Imamović, s. r.

Na osnovu člana 43. Zakona o lokalnoj samoupravi ("Službene novine Kantona Sarajevo", br. 19/97 i 14/00) i člana 29. Statuta Općine Trnovo ("Službene novine Kantona Sarajevo", br. 23/97 i 17/98), na prijedlog općinskog načelnika, Općinsko vijeće Trnovo, na 7. sjednici održanoj dana 16. januara 2001. godine, donijelo je